

**JAWATANKUASA
PERATURAN-PERATURAN TETAP
DEWAN NEGERI SELANGOR**

**CADANGAN PINDAAN KEPADA
PERATURAN-PERATURAN TETAP
DEWAN NEGERI SELANGOR**

“ Bahawasanya mengikut perenggan (4), Peraturan Tetap 69 bagi Dewan Negeri Selangor membuat ketetapan meminda Peraturan-Peraturan Tetap Dewan Negeri Selangor seperti draf cadangan di Kertas Mesyuarat Bilangan 16 Tahun 2014 ”

**CADANGAN PINDAAN KEPADA
PERATURAN-PERATURAN TETAP
DEWAN NEGERI SELANGOR**

LATAR BELAKANG

Jawatankuasa Peraturan-Peraturan Tetap bagi Dewan Negeri Selangor Yang Ketiga Belas telah ditubuhkan pada 8 Julai 2013 dalam Mesyuarat Kedua Penggal Pertama Dewan Negeri Selangor Ketiga Belas melalui peruntukan Peraturan 69, Peraturan-Peraturan Tetap bagi Dewan Negeri Selangor.

Ahli-ahli Yang Berhormat yang telah dilantik untuk menganggotai Jawatankuasa Peraturan-Peraturan Tetap bagi Dewan Negeri Selangor terdiri daripada:

- | | |
|--|-----------|
| 1. Y.B. Puan Hannah Yeoh Tseow Suan
Tuan Speaker,
Dewan Negeri Selangor
(ADN Kawasan Subang Jaya) | Pengerusi |
| 2. Y.B. Puan Haniza bt. Mohamed Talha
(ADN Kawasan Taman Medan) | Ahli |
| 3. Y.B. Tuan Loh Chee Heng
(ADN Kawasan Teluk Datuk) | Ahli |
| 4. Y.B. Tuan Mohd Khairuddin bin Othman
(ADN Kawasan Paya Jaras) | Ahli |
| 5. Y.B. Puan Noor Hanim binti Ismail
(ADN Kawasan Seri Serdang) | Ahli |
| 6. Y.B. Tuan Tan Pok Shyong
(ADN Kawasan Pandamaran) | Ahli |

7. Y.B. Datuk Rosni binti Sohar
(ADN Kawasan Hulu Bernam)

Ahli

Jawatankuasa ini telah pun bermesyuarat pada 7 Mei 2014 dan 4 Jun 2014 bagi membincangkan cadangan pindaan Peraturan-Peraturan Tetap bagi Dewan Negeri Selangor dan sebulat suara bersetuju dengan draf cadangan pindaan tersebut seperti di **Lampiran A**.

Sehubungan itu, mengikut perenggan (4) Peraturan Tetap 69, Usul ini dibawa ke dalam Persidangan Dewan Negeri Selangor bagi membolehkan Jawatankuasa Peraturan-Peraturan Tetap Dewan mengkaji, meneliti dan membincangkan draf cadangan tersebut seterusnya menyediakan penyata kepada Dewan berhubung cadangan pindaan tersebut. Jawatankuasa ini juga akan menyediakan penyata bagi usul cadangan pindaan yang telah dibawa dan dipersetujui oleh Dewan Negeri Selangor pada 29 November 2013 yang lalu. Kedua-dua penyata ini akan dibentangkan pada Persidangan Dewan yang akan datang bagi membolehkan kesemua cadangan-cadangan pindaan ini diluluskan untuk diterima pakai.



HANNAH YEOH TSEOW SUAN
Pengerusi
Jawatankuasa Peraturan-Peraturan Tetap
Dewan Negeri Selangor.

4 Jun 2014

Lampiran A

Cadangan Pindaan kepada Peraturan-Peraturan Tetap Dewan Negeri Selangor

(i) Masa persidangan

Dengan meminda

11 (1) Kecuali jika Dewan mengeluarkan perintah lain—

- (a) Setiap persidangan pada hari Isnin, Selasa, Rabu dan Khamis hendaklah dimulakan pada pukul 10.00 pagi dan ditangguhkan pada pukul 1.00 petang; dan persidangan demikian itu hendaklah dimulakan semula pada pukul 2.30 petang sehingga pukul 4.30 petang;
- (b) Setiap persidangan pada hari Jumaat hendaklah dimulakan pada pukul 9.30 pagi dan ditangguhkan pada pukul 12.00 tengah hari, dan persidangan demikian itu hendaklah dimulakan semula pada pukul 3.00 petang sehingga pukul 4.30 petang;

~~dan persidangan demikian itu hendaklah dimulakan semula pada pukul 2.30 petang sehingga pukul 4.30 petang~~ atau sehingga pukul 5.10 petang pada apa-apa hari jika ada dikeluarkan usul hendak menangguhkan mesyuarat menurut Peraturan Tetap 16:

Dengan syarat sesuatu usul, yang hendak diputuskan dengan tidak boleh dipinda atau dibahas, boleh dikeluarkan oleh Menteri Besar pada bila-bila masa supaya mesyuarat berkenaan dengan apa-apa urusan tertentu yang telah ditetapkan untuk hari ini, dibebaskan daripada syarat-syarat Peraturan ini.

(ii) Jawatankuasa Pilihan Pejabat Daerah dan Tanah (JP-PADAT)

Meminda Peraturan Tetap 68A dengan menggantikan Peraturan Tetap 68A (2) dan menambah Peraturan Tetap 68A (3), (4) dan (5).

Dengan meminda

68A (2) Semua perenggan dalam Peraturan Tetap 68 selain daripada perenggan (1) adalah terpakai dalam Peraturan Tetap ini.

Dan menggantikannya dengan

68A (2) Jawatankuasa ini hendaklah terdiri daripada seorang Pengerusi dan tidak lebih daripada enam orang ahli yang akan dilantik oleh Dewan, dengan seberapa segera selepas permulaan tiap-tiap Penggal Persidangan.

Dengan menambah

68A (3) Tiada ahli boleh dilantik atau bertindak sebagai Pengerusi atau ahli Jawatankuasa Pilihan Pejabat Daerah dan Tanah (JP-PADAT) semasa dia menjadi ahli Majlis Mesyuarat Kerajaan Negeri.

68A (4) Jawatankuasa ini hendaklah mempunyai kuasa memanggil orang hadir di hadapannya atau meminta surat dan rekod, dan membuat laporan kepada Dewan dari semasa ke semasa.

68A (5) Ketua Audit Negara bolehlah dijemput untuk menghadiri setiap mesyuarat Jawatankuasa itu dan Ketua Audit Negara berhak memberikan pendapatnya, sama ada secara sendiri atau oleh wakilnya, dan dengan mendapat kebenaran dari Pengerusi, dia berhak juga mengemukakan pertanyaan kepada mana-mana orang yang telah dijemput hadir dalam mesyuarat Jawatankuasa itu.

(iii) Jawatankuasa Pilihan Pihak Berkuasa Tempatan (JP-PBT)

Meminda Peraturan Tetap 68B dengan menggantikan Peraturan Tetap 68B (2) dan menambah Peraturan Tetap 68B (3), (4) dan (5).

Dengan meminda

68B (2) Semua perenggan dalam Peraturan Tetap 68 selain daripada perenggan (1) adalah terpakai dalam Peraturan Tetap ini.

Dan menggantikannya dengan

68B (2) Jawatankuasa ini hendaklah terdiri daripada seorang Pengurus dan tidak lebih daripada enam orang ahli yang akan dilantik oleh Dewan, dengan seberapa segera selepas permulaan tiap-tiap Penggal Persidangan.

Dengan menambah

68B (3) Tiada ahli boleh dilantik atau bertindak sebagai Pengurus atau ahli Jawatankuasa Pilihan Pihak Berkuasa Tempatan (JP-PBT) semasa dia menjadi ahli Majlis Mesyuarat Kerajaan Negeri.

68B (4) Jawatankuasa ini hendaklah mempunyai kuasa memanggil orang hadir di hadapannya atau meminta surat dan rekod, dan membuat laporan kepada Dewan dari semasa ke semasa.

68B (5) Ketua Audit Negara bolehlah dijemput untuk menghadiri setiap mesyuarat Jawatankuasa itu dan Ketua Audit Negara berhak memberikan pendapatnya, sama ada secara sendiri atau oleh wakilnya, dan dengan mendapat kebenaran dari Pengurus, dia berhak juga mengemukakan pertanyaan kepada mana-mana orang yang telah dijemput hadir dalam mesyuarat Jawatankuasa itu.

(iv) Jawatankuasa Pilihan Agensi, Badan Berkanun dan Anak Syarikat (JP-ABAS)

Meminda Peraturan Tetap 68C dengan menggantikan Peraturan Tetap 68C (2) dan menambah Peraturan Tetap 68C (3), (4) dan (5).

Dengan meminda

68C (2) Semua perenggan dalam Peraturan Tetap 68 selain daripada perenggan (1) adalah terpakai dalam Peraturan Tetap ini.

Dan menggantikannya dengan

68C (2) Jawatankuasa ini hendaklah terdiri daripada seorang Pengerusi dan tidak lebih daripada enam orang ahli yang akan dilantik oleh Dewan, dengan seberapa segera selepas permulaan tiap-tiap Penggal Persidangan.

Dengan menambah

68C (3) Tiada ahli boleh dilantik atau bertindak sebagai Pengerusi atau ahli Jawatankuasa Pilihan Agensi, Badan Berkanun dan Anak Syarikat (JP-ABAS) semasa dia menjadi ahli Majlis Mesyuarat Kerajaan Negeri.

68C (4) Jawatankuasa ini hendaklah mempunyai kuasa memanggil orang hadir di hadapannya atau meminta surat dan rekod, dan membuat laporan kepada Dewan dari semasa ke semasa.

68C (5) Ketua Audit Negara bolehlah dijemput untuk menghadiri setiap mesyuarat Jawatankuasa itu dan Ketua Audit Negara berhak memberikan pendapatnya, sama ada secara sendiri atau oleh wakilnya, dan dengan mendapat kebenaran dari Pengerusi, dia berhak juga mengemukakan pertanyaan kepada mana-mana orang yang telah dijemput hadir dalam mesyuarat Jawatankuasa itu.

(v) Aturan dalam Jawatankuasa Pilihan

Dengan meminda dan menambah

- 73 (5) Mesyuarat pertama Jawatankuasa Pilihan hendaklah diadakan pada masa dan di tempat yang ditetapkan oleh Pengerusi, *jika* Jawatankuasa Penggalan Dewan, atau *oleh Tuan Speaker jika* Jawatankuasa Pilihan Khas. Mesyuarat yang kemudian hendaklah diadakan pada masa dan di tempat menurut sebagaimana yang ditetapkan oleh Jawatankuasa itu:

Tetapi disyaratkan jika Jawatankuasa ini tidak menetapkan masa dan tempatnya, maka Pengerusi hendaklah menetapkannya setelah berunding dengan Setiausaha Dewan. Sekiranya Pengerusi bagi Jawatankuasa Penggalan Dewan atau Jawatankuasa Pilihan Khas gagal untuk menetapkan masa dan tempat bagi mesyuarat pertama dan mesyuarat seterusnya, Tuan Speaker bolehlah menetapkan masa dan tempat bagi mesyuarat dan melantik salah seorang daripada ahli untuk mempengerusikan mesyuarat tersebut sekiranya Pengerusi tidak hadir.

(vi) Penyata daripada Jawatankuasa Pilihan

Dengan menambah

- 76 (7) Menteri Besar hendaklah melaporkan kepada Dewan maklumbalas berkenaan saranan-saranan yang dikemukakan oleh mana-mana Jawatankuasa Pilihan atau Jawatankuasa Pilihan Khas di dalam Penyata Jawatankuasa Pilihan atau Jawatankuasa Pilihan Khas yang telah dibentangkan dan diterima oleh Dewan dalam mesyuarat seterusnya.
- (vii) Meminda gelaran “Tuan Speaker” di dalam Peraturan-Peraturan Tetap Dewan Negeri Selangor kepada “Speaker” selaras dengan Undang-Undang Tubuh Kerajaan Selangor 1959.
- (viii) Meminda kesilapan ejaan yang terdapat di dalam Peraturan-Peraturan Tetap Dewan Negeri Selangor (jika ada).

